



Concello de Vilasantar

(Ru s/n 15807 Vilasantar- A Coruña)

www.vilasantar.gal

Fernando Pérez Fernández, alcalde do Concello de Vilasantar, na data da sinatura electrónica, en presenza da secretaria en funcións de dito concello, emito o seguinte decreto:

APROBACIÓN DAS BASES REGULADORAS DO CONCURSO DE DISFRACES DO CONCELLO DE VILASANTAR PARA O ANO 2024.

Expediente: 2024/G003/000008

Visto o artigo 25.2, nos seus apartados l) e m) da Lei 7/1985, do 2 de abril, reguladora das bases do réxime local, mediante os que os municipios exercerán en todo caso competencias propias, nos termos da lexislación do Estado e das Comunidades Autónomas, nas materias de ocupación do tempo libre e promoción da cultura.

Visto que os concellos son competentes para a promoción da cultura no seu municipio e que deben entenderse incluídas todo tipo de manifestacións culturais desenvolvidas no ámbito local, en senso amplo, incluídas as festas populares propias de cada localidade en base á normativa vixente no ámbito cultural en conexión co principio de autonomía local.

Vista a ampla importancia da festividade do Entroido no Concello de Vilasantar, que se ven desenvolvendo ano tras ano durante décadas.

Vista a necesidade de dotar á festividade do Entroido dunhas bases reguladoras do concurso que establezan as normas básicas que o regulen.

Visto o réxime de publicación dos actos administrativos de carácter xeral ou que teñan por destinatarios a unha pluralidade indeterminada de persoas recollido no artigo 45 da Lei 39/2015, de 1 de outubro, do procedemento administrativo común das administracións públicas.

Vistas as bases do concurso de disfraces do Concello de Vilasantar, que se transcriben a continuación:



Concello de Vilasantar

(Ru s/n 15807 Vilasantar- A Coruña)

www.vilasantar.gal

BASES DO CONCURSO DE DISFRACES DO CONCELLO DE VILASANTAR

“ENTROIDO 2024”

O concurso de disfraces do “Entroido 2024” do Concello de Vilasantar terá lugar o día **10 de febreiro de 2024 (sábado)**, a partir das **17.00 h** no pavillón polideportivo de Présaras, e rexeráse polas seguintes bases:

PRIMEIRA: Para participar é obrigatorio inscribirse previamente chamando ao Concello de Vilasantar, 981 778 169 (departamento de cultura) ou ben ese mesmo día no lugar de realización con alomenos 15 minutos antes do comezo do concurso. Especificarase o número de compoñentes, o lema de identificación e un representante.

SEGUNDA: Establécense dúas categorías do concurso: a) Comparsa ou grupo e b) individual ou duo.

Categoría de comparsa ou grupo

1º premio: **300 euros**

2º premio: **200 euros**

3º premio: **100 euros**

Neste caso, entenderanse incluídos nesta categoría de comparsa ou grupo o conxunto de persoas formado por un mínimo de 3 compoñentes representando todos os integrantes do grupo ou comparsa un mesmo motivo.

Categoría de disfrace individual ou duo:

1º premio: **150 euros**

2º premio: **75 euros**

3º premio: **50 euros**



Concello de Vilasantar

(Ru s/n 15807 Vilasantar- A Coruña)

www.vilasantar.gal

Nesta categoría participarán todos os demais disfraces de forma individual ou o conxunto de persoas, formando unha ou dúas persoas.

TERCEIRA: O xurado terá en conta o vestiario, a maquillaxe e a estética, a orixinalidade, a creatividade, o traballo na elaboración dos disfraces, a organización e a posta en escena, participación e interacción co público, a simpatía e a animación. A valoración farase cunha puntuación de 0 a 10 puntos, sendo 0 a de menor valor e o 10 a de maior valor.

Terá potestade para resolver calquera dúbida que poida xurdir no desenvolvemento do concurso.

A decisión do xurado será inapelable.

O xurado estará formado por tres membros non participantes no concurso.

CUARTA: A inscrición implica o total coñecemento e aceptación das bases do concurso. O incumprimento dalgunha destas bases poderá supoñer a descalificación e baixa do concurso, a xuízo do xurado.

Os participantes que precisen de música para a actuación ou representación do espectáculo deberana traer en formato usb, e avisar no concello no momento de anotarse. A usb deberá vir claramente identificada, poñendo o propietario e o lema co que participa no concurso, e só deberá conter o tema que van interpretar. Utilizarase unha usb por cada participante que precise interpretar un tema.

QUINTA: A entrega de premios terá lugar o mesmo día de celebración do concurso, unha vez feita a avaliación polo xurado, de maneira simbólica, xa que a efectividade do premio farase por transferencia bancaria.

Os premios poderán quedar desertos no caso de que non haxa participantes.

SEXTA: para cobrar o premio os gañadores deberán de designar un representante (nome, apelidos, DNI) e facilitar no concello un número de conta (con IBAN) a seu nome para facer efectivo o ingreso, xunto cunha fotocopia do DNI.

SEXTA: Os presentes premios serán outorgados con cargo a partida orzamentaria 33.022.699.



Concello de Vilasantar

(Ru s/n 15807 Vilasantar- A Coruña)

www.vilasantar.gal

SEPTIMA: O Concello de Vilasantar resérvase o dereito de darlle publicidade a estas bases e o concurso a través dos medios que considere oportunos.

Dacordo coas atribucións que me confire o artigo 21.1 da Lei 7/1985, de 2 de abril reguladora das Bases do Réxime Local, Resolvo:

Primeiro. Aprobar as bases do concurso de disfraces do Concello de Vilasantar para o ano 2024 coa redacción que se recolle na parte expositiva deste acordo.

Segundo. Se lle dea traslado do presente acordo ós servizos municipais responsables da súa tramitación así como a súa notificación ós terceiros interesados que obren no expediente, e a súa publicación no Boletín Oficial da Provincia e no taboleiro de anuncios da Sede Electrónica do Concello de Vilasantar.

Mándaos e asínaos a súa señoría O Alcalde, e ordena darlle traslado ó departamento correspondente para a súa incorporación ó expediente do que eu secretaria en funcións, María Isabel Novo López, dou fe.